





六和湯

砂仁

半夏

杏仁

人參

甘草

炙各一兩

赤茯苓

藿香

扁豆炒

木香各二兩

右每服五錢水二鍾生薑三片棗一枚煎

溫服

○濕十七

○中濕太宜云蒼朮治濕上下部皆可用○



二陳湯加酒苓羌活蒼朮散風行濕○脾  
胃受濕沉困無力怠惰好卧去痰瀕用白  
朮

○上部濕蒼朮功烈○下濕宜升提之○  
外濕宜表散○內濕宜淡滲○若燥濕用  
羌活勝濕湯平胃之類○若風濕相搏一  
身盡痛以黃芪防已湯○若濕勝氣實者  
以神祐丸舟車丸服之氣虛者桑皮茯苓  
入參芎藭木香類○凡肥人沉困怠惰是

濕熱宜蒼朮茯苓滑石○凡肥白之人沉  
困怠惰是氣虛宜二木人參半夏草果厚  
朴芍藥○凡黑瘦而沉困怠惰者是熱宜  
白朮黃芩○凡飲食不節脾胃受傷不能  
運送宜白朮枳實丸○若去上焦濕及熱  
瀕用黃芩瀉肺火故也又如肺有濕亦宜  
黃芩如肺有虛熱宜天門冬麥門冬知母  
用黃芩多則損肺○去中焦濕與痛熱用  
黃連瀉心火故也如中焦有實熱亦宜黃



連若脾胃虛弱不能運轉而鬱悶宜黃芩  
白朮乾葛中焦濕熱積久而痛乃熱勢甚  
盛宜黃連用薑汁炒○去下焦濕腫及痛  
并膀胱有火邪者必須酒洗防已黃柏知  
母草龍膽又云凡下焦有濕草龍膽防已  
為君甘草黃柏為佐如下焦腫者及痛是  
濕熱宜酒防已草龍膽黃柏蒼朮若肥人  
氣虛之人腫痛宜二朮南星滑石茯苓○  
黑瘦之人下焦腫痛宜當歸桃仁紅花牛

膝攢擲黃柏

○脚氣十八

○脚氣須用提起其濕在下之藥隨血氣用

一方

白朮

木通

防已

檳榔

黃連

川芎

甘草梢

犀角

蒼朮

鹽炒

黃柏

酒炒

生苳

大便實加桃仁小便澁加牛膝有熱



加黃芩黃連大熱及時令熱加石膏  
有痰加竹瀝薑汁如常腫者專主乎  
濕朱先生有方肥人加痰藥

又方 有積流注者

蒼朮 黃柏 防已

南星 川芎 白芷

犀角 檳榔

血虛加牛膝龜板

右為末酒糊丸服

○有脚氣衝心者宜四物湯加黃柏再宜  
湧泉穴用附子末津唾調付上以艾灸  
泄引其熱

健步丸

生芩 歸尾 芍藥

陳皮 蒼朮 吳茱萸

條黃芩 牛膝 桂枝

七腹子 各三錢

右為末糊丸桐子大每服一百丸空心煎



白朮木通湯下

又方 一婦人足脛

紅花

牛膝俱酒浸生芩

黃栢

蒼朮 南星

草龍膽

有筋動於足大指上至大腿近腰結了奉

養厚曰酒寒作四物湯加酒芩紅花蒼

朮南星薑煎服

○脚氣有濕熱有食積流注有風濕有寒

濕○勝濕逐仙木白朮防已川芎為主

或六物附子湯或當歸拈痛湯○脚氣

氣鬱甚者舟車丸除濕丹有飲者東垣

開結導飲丸○脚氣解表用麻黃左經

湯等藥隨經選用有無痰氣寒濕者五

積散加木瓜○若双解以大黄左經湯

東垣羌活導滯湯○若理血以八味丸

或四物加羌活天麻又或四物加黃栢

南星或健步丸○若踈風養血用獨活



寄生湯最妙

應痛丸 治脚氣痛不可忍此藥為劫劑

赤芍藥 半兩煨去皮 草烏 半兩煨去皮尖

右為末酒糊丸空心服十九白湯下

又方 治脚氣腫痛

芥子 白芷 等分

右為末用薑汁和敷貼或用仙术羌活獨

活白芷細辛為末入帛內作鞵用

又方 煤洗脚氣

歲靈仙 防風 荆芥

地骨 當歸 升麻

朔藿

右煎湯煤洗

○痰飲十九

○脉浮當吐久得脉澁卒難開也必費調理

○大凡痰用利藥過多脾氣易虛則痰易

生而多○濕痰用蒼朮白朮○熱痰用青

黛黃連黃芩○食積痰用神麩麥芽山查



○風痰用南星○老痰用海石半夏瓜蔓  
香附○痰在膈上必用吐法瀉亦不出○  
濕痰多軟如身倦之類○氣實痰熱結者  
吐難得出或成塊或吐咯不出氣滯者難  
治○膠固稠濁者必用吐熱痰挾風外証  
為多○寒熱者清之是○食積痰必用攻  
之兼氣虛用補藥送○痰因火盛送上者  
以治火為先白朮黃芩軟石膏之類○內  
傷挾痰必用參芪白朮之屬薑汁傳送或

加半夏虛加竹瀝○中氣不足加參朮痰  
之為物隨氣升降無處不到脾虛者宜清  
中氣以運痰降下二陳湯加白朮之類兼  
用升痰提起○中焦有痰食積胃氣亦賴  
所養卒不便虛若攻令盡則虛矣○痰成  
塊或吐咯不出兼氣鬱者難治○痰布腸  
胃間可下而愈在經絡中非吐不可吐法  
中就有發散之義為假如癰病目驚而得  
驚則神出舍舍空則痰生也血氣入在舍



而拒其神不能歸焉○血傷必用薑汁傳  
送○黃芩治痰假治其下火也○二陳湯  
一身之痰都治管如要下行加引下藥在  
上加引上藥○凡用吐藥宜升提其氣便  
吐也如防風山柅川芎桔梗芽茶生薑薑  
汁之類或用瓜蒂散

○凡風痰病用風痰藥如白附子天麻  
雄黃牛黃僵蚕猪牙皂角之類

吐法用藥

附子尖

桔梗芦

人參芦

瓜蒂

藜芦

砒不甚用

艾薰末茶此皆自吐之法不用手探但藥  
但湯皆可吐吐時先以布卷膊勒腰於不  
通風處行吐法

又方

蘿蔔子半斤搗和以椽水一碗瀝去粗入  
小油與蜜溫服後以鷄翎探吐翎用桐油  
先浸却以皂角水洗晒乾待用



又方

用鰈帶殼半斤入醬葱薑等物煮汁先喫  
煨後喫汁以翎勾引即吐緊勒肚腹○凡  
人身上中下有塊是痰問其平日好食何物  
吐下後方用藥○許學士用蒼朮治痰成  
窠囊一邊行極妙○眩運嘈雜乃火動其  
痰用二陳湯加山梔子黃連黃芩之類○  
噫氣吞酸此食鬱有熱火氣上動以黃芩  
為君南星半夏為臣橘紅為使熱多加青

黛○痰在脇下非白芥子不能達○痰在  
皮裏膜外非薑汁竹瀝不可攻○痰在四  
肢非竹瀝不開○痰結核在咽喉中燥不  
能出入用藥化之加鹹藥軟堅之味瓜蒌  
仁杏仁海石桔梗連翹少佐朴硝以薑蜜  
和丸噙服之○海粉熱痰能降濕痰能燥  
結痰能軟頑痰能消可入丸子末不可入  
煎藥○枳實瀉痰能衝墻壁○小胃丹能  
損胃氣食積痰實者用之不宜多



青礞石丸 重在風化硝

南星二兩切作片用白礬末五錢水浸三日曬乾

半夏一兩湯泡切作片以皂角水浸一日曬乾

黃芩薑汁炒 茯苓 枳殼炒各一兩

法制礞石同蘿蔔水煮化去膏綿瀝冷結入臘月牛膽內風

化秤五錢○或只風化硝亦可

礞石二兩捶碎煅硝二兩同入小砂罐內瓦片蓋定鉄線縛之

鹽泥固濟晒乾火煨紅候冷取出

右為末神麩糊丸桐子大服三五十九白

湯下 一方加蒼朮半兩滑石一兩

潤下丸 降痰甚妙

南星一兩 半夏二兩 黃芩

黃連各一兩 甘草炙一兩 橘紅半斤以水化鹽

五錢拌令得所煮乾炒藥

右為末蒸餅丸如菘豆大每服五七十九

白湯下○一方單用陳皮鹽水炒亦好

又方 治濕痰喘急心痛

半夏一味不拘多少油炒



右為末用粥丸如桐子大每服三五十丸  
薑湯下

又方

黃芩 香附 半夏

貝母已上治濕痰

加瓜蒌仁青黛作丸子治熱痰

又方 燥濕痰

南星 半夏各一兩 蛤粉二兩

溫痰加蒼朮

右為末糊丸如桐子大青黛為衣服五十

丸薑湯下 食積痰加神麩麥芽山查

中和丸 治溫痰氣熱

蒼朮 黃芩 半夏

香附各等分

右為末粥丸如桐子大每服五七十九薑

湯下

又方 治痰嗽

黃芩酒洗一兩 貝母 南星各一兩



滑石 白芥子 各半兩 風化硝 二錢半

右為末湯泡蒸餅丸服

導痰湯

南星 橘紅 赤茯苓

枳殼 甘草 半夏 四兩

右水煎生薑五片食前服

千縉湯

半夏 七箇炮製每箇切作四片 皂角 去皮尖一寸

甘草 炙一寸

右咀作一服煎

小胃丹 治食積痰實者用之不宜多服

芫花 醋拌温下炒黑 甘遂 面裹水浸冬七日春秋五日或水煮亦可

大戟 水煮數沸 木香

檳榔 各半兩 大黃 紙包水濕火煨

黃栢 各三兩

右為末湯浸宿蒸餅丸如黍米大每服七八丸至十丸止臨卧津液吞下或白湯一口送下取其隔上之濕痰熱積以意



消息之欲利則空心服

○凡痰之為患為喘為嘔為泄為眩為暈心嘈怔忡驚悸為寒熱痛腫為痞隔為壅塞或胃脇間輾轉有聲或背心一片常如水冷或四肢麻痺不仁皆痰飲所致善治痰者不治痰而治氣氣順則一身之津液亦隨氣而順矣又嚴氏云人之氣道貴乎順順則津液流通決無痰飲之患古古治痰飲用汗吐下溫

之法愚見不若以順氣為先分導次之又王隱君論云痰清白者為寒黃而濁者為熱殊不知始則清白久則黃濁清白稀薄漬於上黃濁稠粘凝於下嗽而易出者清而白也欬而不能出則黃結滯也若咯唾日久溫熱所鬱上下凝結皆無清白者也甚至帶血血敗則黑痰為閔格異病人所不識又清白者氣味淡日久者漸成惡味酸辣腥臊焦苦不



一百病中多有兼痰者世所不知也○  
凡人身中有結核不痛不紅不作膿者  
皆痰注也○治痰法實脾土燥脾濕是  
治其本也

又方 治痰結於耳後頂門各有一塊

僵蚕炒 酒大黃 青黛

牛膽南星

右為末蜜丸噙化下

又方 治頸頰下生痰結核

二陳湯加炒大黃連翹桔梗柴胡煎

服

又方 治臂核作痛

二陳湯加連翹防風川芎皂角刺蒼  
木

又方 治酒痰

青黛 瓜蒌

右為末蜜丸噙化救肺

又方 治鬱痰



白僵蚕

杏仁

瓜蒌仁

訶子

貝母

五倍子

右為末糊丸桐子大服五十九丸白湯下

治老痰

半夏

瓜蒌仁

海粉

香附

右為末作丸服

導飲丸

吳茱萸

三錢

茯苓

一兩

黃連

半兩

滑石

七錢半

蒼朮

泔浸一兩

右為末糊丸如桐子大服八九十九丸薑湯

下

又方

治食積痰火并瀉胃火

軟石膏不以多少研

右用醋丸如菉豆大每服八九十丸白湯

下

又方

治陰虛內多食積痰

川芎

七錢

黃連

瓜蒌仁



白朮

神麩

麥芽 各一兩半

青黛 半兩 人中白 三錢

右為末蒸餅丸服

○喉中有物咯不出噤不下此者疾重者

吐之輕者用瓜蒌葶氣實必用荆瀝

○五倍子佐他藥大治頑痰○竹瀝膈

間有痰或顛強或健忘或風痰亦能養

血與荆瀝同功治稍重能食者用此二

味効速穩當二瀝治痰結在皮裏膜外

及經絡中痰必佐薑韭汁治血滯不行  
中焦者有飲自然汁吃三四銀盞必膾  
中煩燥不寧後愈

### 黃連化痰丸

半夏 一兩半 黃連 一兩 吳茱萸 湯洗一錢半

桃仁 二十四箇研 陳皮 半兩

右為末麵糊丸菘豆大服一百丸薑湯下

### 白玉丸

巴豆 三十箇去油 南星



半夏

滑石

輕粉 各六錢

右為末皂角仁浸濃汁丸桐子大服五七

十丸薑湯下

黃瓜萋丸

治食積痰壅滯喘急

瓜萋仁

半夏

山查

神麩炒各等分

右為末瓜萋水丸薑湯入瀝送下二三十

丸

又方

瓜萋仁

半夏 各一兩

蒼朮

二兩

香附 二兩半

黃芩

黃連

各半兩

又方

瓜萋仁

黃連

各半兩

半夏

一兩

右為末糊丸桐子大服五十丸

抑痰丸

瓜萋仁 一兩

半夏 二錢

貝母

三錢

右為末蒸餅丸如麻子大服一百丸薑湯

送下



清膈化痰丸

黃連

黃芩 各一兩

黃柏

山梔 各半兩

香附 二兩半

蒼朮 二兩

右為末蒸餅丸白湯下

搜風化痰丸

人參

槐角子

僵蚕

白礬

陳皮 去白

荊芥 各一兩

半夏

四兩薑汁炒

辰砂 半兩另研

右為末薑汁浸蒸餅丸辰砂為衣服四十

丸薑湯下

隆痰丸

治痰飲

黑牽牛

頭末二兩

枳實

白礬

三錢枯一半

朴硝

三錢風化

枳殼

半兩炒

猪牙皂角

二錢酒炒

右為末用蘿蔔汁丸服五十丸鷄鳴初則

有糞次則有痰

治濕痰

蒼朮 一錢

白朮

六兩

香附

一錢半



白芍藥 酒浸一錢半

右為末蒸餅丸服

治肥人濕痰

苦參

半夏各一錢半 白朮二錢半

陳皮一錢

右咀作一服薑三片竹瀝半盞水煎食遠

吞三補丸十五丸

祛風痰行濁氣

明礬

防風

川芎

猪牙皂角 玉金各一兩

蜈蚣 二條用赤脚黃脚各一條

右為末蒸餅丸如桐子大服三十丸食前

茶湯送下春以芭蕉湯探吐痰

痰氣方

片苓 炒

半夏 半兩

白朮

皂角藥一兩

茯苓

陳皮 三錢

右為末蒸餅泡薑汁丸服

利膈化痰丸

南星

蛤粉 研細

半夏



貝母去心治胃膈痰氣最妙

瓜蒌仁

香附半兩童便浸

已上並為末

右用猪牙皂角十四挺敲碎水一碗半煮杏仁去皮尖一兩煮水將乾去皂角搗杏仁如泥入前藥搜和再入薑汁泡蒸餅丸如菜豆大青黛為衣每服五十丸薑湯下

清痰丸

天花粉大能降上熱痰  
專清中宮痰積

烏梅

枯礬

黃芩

蒼朮

陳皮

滑石炒

青皮

枳實各半兩

南星

半夏

神麩炒

山查

乾生薑各一兩

右為末湯浸蒸餅丸服加香附一兩

○痿二十

○痿証不可作風治而用風藥○濕熱東垣  
健步丸加燥濕降陰火蒼朮黃芩黃柏牛



膝之類○濕痰二陳湯加蒼朮白朮黃芩  
 黃柏竹瀝○氣虛四君子湯加黃芩黃柏  
 蒼朮之類○血虛四物湯加黃柏蒼朮煎  
 送補陰丸○亦有食積死血妨碍不得下  
 降者○肺痿專主養肺氣養血清金  
 補陰丸

黃柏 半斤 鹽酒炒  
 知母 酒浸炒

熟苕 各三兩  
 白芍藥 陳皮

牛膝 各二兩  
 瑣陽 當歸 各一兩半

虎骨 酒浸酥炙一兩  
 敗龜板 酒浸炙四兩

右為末酒煮羊肉搗爛為丸冬加乾薑半  
 兩

健步丸

羌活 柴胡 滑石 炒

甘草 炙 瓜蒌根 酒浸 川烏頭

苦參 各一錢 肉桂 五分

右為末酒糊丸桐子大服七十九葱白煎  
 愈風湯下



○謹按五痿等証特立篇目所論至詳後代諸方獨於此証槩多缺畧攷其由皆曰混入中風條內故也丹溪先生痛千古之弊憫世之罹此疾者多誤於庸醫之手有志之士必當究其心焉夫陳無擇謂痿曰內藏不足所致誠得之矣然痿之所不足者乃陰血也而方悉是補陽補氣之劑能免實實虛虛之患乎且無擇以三曰立方可謂諸方之冠其餘

此証猶且未明况求於他者乎

清燥湯

治濕熱成痿以燥金受濕熱之邪是絕寒水生化之源絕則腎虧痿厥之病大作腰以下痿軟癱瘓不能動

黃芪 五分 蒼朮 一錢 白朮

橘皮 澤瀉 各等分 五味子 九箇

人參 白朮 升麻 各二分

麥門冬 當歸身 生苳

麩末 猪苓 酒黃柏 各三分



柴胡

黃連

甘草 炙各等分

右每服半兩水煎空心服

○疸二十一

○疸不用分其五同是濕熱如蠶麩相似○  
輕者小溫中丸重者大溫中丸熱多加黃  
連○濕多者茵陳五苓散加食積藥○濕  
熱曰倒胃氣服下藥大便不利者參芪加  
山梔茵陳甘草

○黃疸乃脾胃經有熱所致當究其所因  
分利為先解毒次之諸疸口淡怔忡耳鳴  
腳軟微寒發熱小便白濁此為虛証治宜  
四君子湯吞八味丸不可過用涼劑強通  
小便恐腎水枯竭久而面黑黃色及有渴  
者不治不渴者可治

○黃疸通身面目悉黃宜生料五苓加茵陳又  
宜小柴胡加茵陳茯苓枳實加少朴硝濟生  
茵陳湯千金方東引桃根細者煎湯空心服  
○穀疸食已頭眩心中怫鬱不安飢飽所



致胃氣蒸衝而黃宜小柴胡加谷芽枳實  
厚朴山梔大黃濟生谷疸丸○酒疸身目  
黃心中懊懣足胫滿尿黃面黃面赤斑酒  
過胃熱醉卧當風水濕得之小柴胡加苜  
陳豆豉大黃黃連葛粉脉微數面目青黑  
或大便黑三日方白朮散脉弦濇三日當  
歸白朮散濟生方五苓加葛根湯○女勞  
疸目房事後為水濕所搏故額黑身黃小  
腹滿急小便不利以大麥一撮同滑石石

膏末各一錢煎服○黃汗者曰脾胃有熱  
汗出入水澡浴所致故汗出黃染衣而不  
渴濟生方黃芪散苜陳湯又以苦丁香豆  
豉探吸鼻中出黃水差○發黃脉沉細遲  
四肢逆冷身冷自汗不止宜苜陳四逆湯  
苜陳蒿 治濕熱發黃身熱鼻乾汗出小便赤  
而不利

苜陳 六兩  
梔子 十四箇  
大黃 二兩

右三味每服一兩半水煎服



梔子大黃湯 治酒疸

梔子 十五箇 大黃 一兩 枳實 五枚

豉 一升

右水煎溫服

硝石礬石散 治女勞疸身黃額黑

硝石 礬石 各燒等分

右二味為散以大麥粥汁和服二錢日三

重衣覆取汁

瓜蒂散

瓜蒂 二錢 母丁香 一錢 黍米 四十九个

赤小豆 半錢

右為末每夜於鼻內嚙之取下黃水

○嘔吐二十二

○胃中有熱膈上有痰者二陳湯加炒山梔

黃連生薑○有久病嘔者胃虛不納穀也

用生薑人參黃芪白朮香附之類○嘔吐

朱奉議以半夏橘皮生薑為主○劉河間

謂嘔者火氣炎上此特一端耳○有痰隔



中焦食不得下者○有氣逆而嘔者○有氣鬱於胃口者○有食滯心肺之分而新食不得下而反出者○有胃口有火與痰而嘔者○注船大吐渴飲水者即死童便飲之最妙

理中湯加丁香 治中脘停寒喜辛物入口即

吐

人參

白朮

甘草 炙

乾薑

炮各錢

丁香

十粒

右咀生薑十片水煎服或加枳實半錢亦可不効或以二陳湯加丁香十粒并須冷服蓋冷遇冷則相入庶不吐出又或活人生薑橘皮湯

熱嘔

濟生竹茹湯

小柴胡加竹茹湯

右並用生薑多煎服

加味二陳湯 治停痰結氣而嘔

半夏

橘紅

白茯苓

各五兩



甘草炙一兩半 縮砂一兩 丁香半兩  
生薑三兩

右水煎服

吐虫而嘔方

黑錫炒成灰 檳榔末 米飲調下

○咳逆二十三

○咳逆有痰○有氣虛○視有餘不足治之  
其詳在格致餘論不足者人參白朮湯下  
大補丸○有餘并有痰者吐之人參芦之

類

○咳逆自利者滑石甘草炒黃栢白芍人  
參白朮陳皮竹茹煎服○咳逆為病古為  
之噦近謂之呃乃胃寒所生寒氣自逆而  
呃上此証最危亦有熱呃已見傷寒証其  
有他病發呃者宜用半夏一兩生薑半兩  
水煎熱服或理中湯加枳殼茯苓各半錢  
半夏一錢不効更加丁香十粒○吐利後  
胃虛寒咳逆者以羌活附子湯或丁香十



粒柿蒂十箇切碎水煎服○吐利後胃熱  
咳逆者以橘皮竹茹湯○亦無別病偶然  
致呃此緣氣逆而生宜小半夏茯苓湯加  
枳實半夏又或煎湯泡蘿蔔子研取汁調  
木香調氣散熱服之逆氣用之最佳  
橘皮乾薑湯 治咳逆不止

橘皮

通草

乾薑

桂心

甘草

炙各二兩 人參一兩

右用五錢水煎服

生薑半夏湯

通治咳逆欲死

半夏一兩

生薑二兩

右以水煎溫作三服

陰證咳逆

川烏

乾薑炮

附子炮

肉桂

芍藥

甘草炙

半夏

吳茱萸

陳皮

大黃手

右為末每服一錢生薑五片煎服



○惡心二十四

○惡心有痰○有熱○有虛皆用生薑隨証佐藥

○惡心欲吐不吐心中兀兀如畏舟船宜大半夏湯或小半夏茯苓湯或理中湯加半夏亦可○又胃中有熱惡心者以二陳湯加生薑汁炒黃連黃芩各一錢最妙

○翻胃二十五

○反胃大約有四○血虛○氣虛○有熱○

有痰無病必用童便韭汁竹瀝牛羊乳生薑汁○氣虛入四君子湯右手脉無力○血虛者四物湯加童便左手脉無力切不可用香燥之藥若服之必死宜薄滋味○治反胃用黃連三錢薑汁浸炒山查二錢保和丸二錢同為末糊丸如麻子大胆脂為衣人參湯入竹瀝下六十丸

又方

用馬剝兒燒灰存性一錢好棗肉平



胃散一錢

右和勻溫酒調服食即可下然後隨病根源調理

○有痰二陳湯為主寸關沉或浮而大○有氣結宜開滯導氣之藥寸關脉沉而潛○有內有陰火上炎而反胃者作陰虛火動治之

又方

茱萸

黃連

貝母

瓜蒌

牛轉草

年少者四物湯清胃腕血燥不潤大便故澁格致餘論甚詳○年老雖不治亦用參芪關防氣虛胃虛○氣虛者四君子湯加芦根童便或參芪白朮散或韭汁牛羊乳或入駁駟尿○又有積血停於內而致當消息逐之大便澁者難治當令食兔肉則便利

燒針丸

此藥清鎮專主吐逆



府丹不以多少

右研細用去皮小棗肉丸如鷄頭子大每用針簽於燈上燒灰為末乳汁下一丸

○噯氣二十六

○噯氣○胃中有火有痰

南星

半夏

軟石膏

香附

炒梔子

右作丸或作湯服之

○吞酸二十七

○吞酸者濕熱鬱積於肝而出伏於肺胃之間必用糲食蔬菜自養○宜用茱萸順其性而折之○反佐方用黃連吳茱萸各炒用

○吞酸與吐酸不同吐酸素問以為熱東垣又為寒何也吐酸是吐出酸水如醋平時津液隨上升之氣鬱積而久濕中生熱故從火化遂作酸味非熱而何真有鬱積之久不能自湧而出伏於肺胃之間咯不



得上咽不得下肌表得風寒則內熱愈鬱  
而酸味刺心肌表溫暖腠理開發或得香  
熱湯丸津液得行亦可暫解非寒而何素  
問言熱言其本也東垣言寒言其末也吞  
酸用茱萸黃連各炒隨時令迭其位使蒼  
朮茯苓為輔佐湯浸炊餅丸如小丸吞之  
即安

麩末丸 治中脘宿食留飲酸蝨心痛或口吐

清水

神麩 炒一兩 蒼朮 泔浸炒二兩半

陳皮 一兩

右為末生薑汁煮神曲糊為丸七十九薑

湯下

加味平胃散

生料平胃散加神曲麥芽炒各五分  
右生薑三片水煎五錢服

○痞二十八

○痞者有食積無濕○東垣有法有方



治痞滿方

吳茱萸三兩 黃連二兩

右米糊為丸服

○心下痞瀕用枳實炒黃連○如稟受鬼  
實面蒼骨露氣實之人而心下痞者宜  
枳實黃連青皮陳皮枳殼○如稟受素  
弱轉運不調飲食不化而心下痞者宜  
白朮山查麴藥陳皮○如肥人心下痞  
者乃是實痰宜蒼朮半夏砂仁茯苓滑

又方

石○如瘦人心下痞者乃是鬱熱在中  
焦宜枳實黃連葛根升麻○如食後感  
寒飲食不化心下痞宜藿香草豆蔻吳  
茱萸砂仁

軟石膏不以多少

右為末醋糊丸如菉豆大服之瀉胃火食  
積痰火

○痞者與否同不通蒸也由陰伏陽蓄氣



與血不運而成處心 位中央腹滿痞  
寒者皆土之病也與脹滿有輕重之分  
痞則內覺痞悶而外無脹急之形者是  
痞也○有中氣虛弱不能運化精微為  
痞者○有飲食痰積不能施化為痞者  
○有濕熱太甚為痞者○古方治痞用  
黃連黃芩枳實之苦以泄之厚朴生薑  
半夏之辛以散之人參白朮之甘苦以  
補之茯苓澤瀉之鹹以滲之既痞同濕

治惟宜上下分消其氣如果有內實之  
證庶可畧與疎導世人苦於痞塞喜行  
利藥以求其速効暫時快通痞若再作  
益以滋甚

加味補中益氣湯 治內傷心下痞

脉緩有痰而痞加半夏黃連

脉弦四肢滿閉便難而心下痞加柴

胡黃連甘草

大便秘燥加黃連桃仁少加黃連歸



身

心下痞忤悶者加白芍藥黃連

○心下痞中寒者加附子黃連○心下痞  
腹脹加五味子白芍藥砂仁天寒少加乾  
薑或中桂○心下痞嘔逆者加黃連生薑  
陳皮如冬月加黃連少入丁香藿香○心  
下痞如腹中氣上逆者是衝脉逆也加黃  
栝三分黃連一分半以泄之○如食已心  
下痞別服橘皮枳朮丸

枳實消痞丸

治右關脉浮弦心下虛痞惡食  
懶倦開胃進食

枳實

黃連

各五錢

乾生薑

二錢

半夏曲

三錢

厚朴

各四錢

人參

三錢

甘草

炙二錢

白朮

三錢

茯苓

麥芽

各二錢

右為末水浸蒸餅丸如桐子大服三五十  
丸溫水下

○嘈雜二十九



○嘈雜是痰回火動○痰回火動薑汁炒黃連入痰藥用炒山梔子黃芩為君南星半夏橘紅熱多加青黛○嘈雜此乃食鬱有熱梔子薑炒黃連不可無○肥人嘈雜二陳少加撫芎蒼朮白朮炒山梔子○嘈雜若濕痰氣滯不喜食三補丸加蒼朮倍香

附  
○傷食三十

○傷食惡食者胃中有物導痰補脾用二陳湯白朮山查川芎蒼朮服之

○夏抑傷脾不思飲食炒黃連酒芍藥香附清六丸末用薑汁浸蒸餅丸服○傷食之証右手氣口必緊盛育膈痞塞噫敗卵臭亦有頭痛發熱但身不痛為異耳用治中湯加砂仁一錢或紅丸子

加味二陳湯 治中脘聞食氣則嘔

本方加砂仁一錢青皮五分

紅丸子 治傷食



京三稜

蓬朮煨

青皮

陳皮

五兩

乾薑

炮

胡椒

三兩

右為末用醋糊丸如桐子大礬紅為衣服三十丸食後薑湯下

○水腫三十一

○水腫曰脾虛不能制水水瀆妄行當以參朮補脾脾氣得實則自健運自能升降運動其樞機則水自行非五苓神祐之行水也宜補中行濕利小便切不可下用二陳

湯加白朮人參蒼朮為主佐以黃芩麥門冬制肝木若腹脹少佐以厚朴○氣不運加木香木通○氣若陷下加升麻柴胡提之隨病加減必須補中行濕二陳治濕加升提之藥能使大便潤而小便長○產後必須大補血氣為主少佐蒼朮茯苓使水自降用大劑白朮補脾若壅滿用半夏陳皮香附監之○有熱當清肺金麥門冬黃芩之屬○一方用山梔子去皮取仁炒槌



碎米湯送下一抄胃熱病在上者帶皮用  
○治熱水腫用山梔子五錢木香一錢白  
朮二錢半

右咬咀取急流順水煎服

○腰已上腫宜利小便腰已下腫宜發汗  
此仲景之要法也○諸家只知治濕當利  
小便之說執此一途用諸去水之藥徃徃  
多死又用導水丸舟車丸神祐丸之類大  
下之此速死之兆蓋脾極虛而敗愈下愈

虛雖劫剋目前而陰損正氣然病亦不旋  
踵而至○水脹用香薷濃煎汁成膏丸去  
暑利水○大法宜大補中宮為主看所挾  
加減不爾則死當以嚴氏實脾散加減用  
○陽水病兼陽証者脉必沉數陰水病兼  
陰証者脉必沉遲○水之為病不一賈洛  
陽以病腫不治必為痼疾雖有扁鵲亦莫  
能為則知腫之危惡非他病比也夫人之  
所以得全其性命者水與穀而已水則腎



主之土則脾主之惟腎虛不能行水惟脾  
虛不能制水胃與脾合氣胃為水穀之海  
又曰虛而不能傳化焉故腎水泛濫反得  
以浸漬脾土於是三焦停滯經絡壅塞水  
滲於皮膚注於肌肉而發腫皮其狀目胞  
上下微起肢体重著咳喘怔忡股間清冷  
小便澀黃皮薄而光手按成窟舉手即滿  
是也○治法大要身有熱者水氣在表可  
汗○身無熱者水氣在裏可下其間通利

小便順氣和脾俱不可緩耳然而証雖可  
下又當權其輕重不可過用大戟芫花甘  
遂猛烈之劑一發不收峻決者易固閉者  
難水氣復來而無以治之也○大凡水腫  
先起於腹而後散四肢者可治○先起於  
四肢而後歸於腹者不治○大便滑泄與  
夫唇黑缺盆平臍突足平背平或肉硬或  
手掌平又或男從脚下腫而上女從身上  
腫而下並皆不治○若遍身腫煩渴小便



赤澁大便閉此屬陽水先入五皮散或四磨飲添磨生枳殼重則踈鑿飲○若遍身腫不煩渴大便澹小便少不澁赤此屬陰水宜實脾飲或木香流氣飲○陽水腫敗荷葉燒灰存性為末不飲調下○若病可下者以三聖散牽牛枳實蘿蔔子三味看大小虛實與服氣實者三花神祐舟車丸禹功丸選用○忌食羊頭蹄肉其性極補水食之百不一愈

加味五皮散

治四肢腫滿不分陽水陰水皆可服之

五加皮

地骨皮

生薑皮

大腹皮

茯苓皮

各一錢

內加乾薑一錢

木瓜一錢

右作一服水煎服

澹寮去五加地骨用

陳皮桑皮

踈鑿飲子

治水氣通身浮腫喘呼氣急煩渴大小便不利服熱藥不得者



澤瀉

赤小豆炒

商陸

羌活

大腹皮

椒目

木通

秦光

檳榔

茯苓皮各等分

右咬咀水煎薑五片

大橘皮湯

治濕熱內攻腹脹水腫小便不利

大便滑泄

陳皮

一兩半

木香

二錢半

滑石

六兩

檳榔

三錢

茯苓

一兩

猪苓

白朮

澤瀉

肉桂

各半兩

甘草

二錢

右生薑五片水煎服

十棗丸

治水氣四肢沉重上氣喘急大小便

不利

甘遂

大戟

芫花

各等分

右為末煮棗肉為丸桐子大清晨熱湯下

三十丸以利為度次早再服虛人不可

多服



又方 治虛腫

大香附不以多少以童尿浸一日夜  
取出別換童尿又浸一日夜再取出  
又換童尿浸一日夜擦去皮晒乾  
右為末醋糊丸如桐子大服七十九煎二  
十四味流氣飲送下

○鼓脹三十二

○鼓脹又名單脹○丹溪先生曰心肺陽也  
居上腎肝陰也居下脾居中亦陰也屬土

經曰飲食入胃遊溢精氣上輸於脾脾氣  
散精上歸於肺通調水道下輸膀胱水精  
四布五經並行是脾具坤靜之德而有乾  
健之運故能使肺之陽降腎肝之陰升而  
成天地交之泰是為無病今也七情內傷  
六淫外淫飲食不節房勞致虛脾土之陰  
受傷轉運之官失職胃雖受穀不能運化  
故陽自升陰自降而成天地不交之否清  
濁相混隧道壅塞鬱而為熱熱留為濕濕



熱相生遂成脹滿經曰鼓脹是也以其外  
雖堅滿中空無物有似於鼓其病膠固難  
以治療又名曰蠱若虫侵蝕之義理宜補  
脾又須養肺金以制木使脾無賊邪之患  
滋腎水以制火使肺得清化之源却厚味  
斷妄想遠音樂無有不安醫又不察虛實  
急於作効病者苦於脹急喜行利藥以求  
通快不知寬得一日半日其腫愈甚病邪  
甚矣真氣傷矣古方惟禹餘糧丸紫金丸

制肝補脾殊為切當○宜大補中氣行濕  
此乃脾虛之甚必須遠音樂斷厚味大劑  
人參白朮佐以陳皮茯苓蒼朮之類○有  
血虛者用四物湯行血藥○有脉實人壯  
盛者或可攻之便可收拾用白朮為主○  
厚朴治腹脹曰味辛以氣聚於下焦故也  
須用薑制之○如肥胖之人腹脹者宜平  
胃五苓共服之○如白人腹脹者是氣虛  
宜參朮厚朴陳皮○如瘦人腹脹者是熱



宜黃連厚朴香附白芍○如回有故畜血而腹脹者宜抵當丸下死血○如回有食積而腹脹者有熱用木香檳榔丸有寒用木香厚朴丁香砂仁神曲香附○如回外寒鬱內熱而腹脹者用藿香麻黃升麻乾葛桂枝○回大怒而腹脹者宜青皮陳皮香附木香梔子仁芦會

○實者按之不堅不痛治實者下之消之次補之○虛者溫之升之補為要○朝寬

暮急血虛暮寬朝急氣虛終日急氣血皆虛○腹腫不覺滿者食肉多以黃連一兩阿魏一兩醋浸蒸餅為丸同溫中丸白朮湯下○食肉多腹脹三補丸料內加香附半夏曲蒸餅丸服

中滿分消丸 治中滿鼓脹水氣脹大熱脹並皆治之

黃芩

枳實炒

半夏

黃連

炒各半兩

薑黃

白朮



人參

甘草

猪苓

各一錢

厚朴製二兩

茯苓

砂仁 各二錢

澤瀉

陳皮 各三錢

乾薑薑 三錢

知母 四錢

右為末水浸蒸餅丸如桐子大每服百丸

焙熟白湯下食後寒日熱用故焙服之

廣茂潰堅湯

中滿腹脹內有積塊堅硬如石

令人坐卧不安大小便澁滯上

氣喘促通身虛浮

厚朴

黃芩

益智

草豆蔻

當歸 各半兩

黃連 六錢

半夏 七錢

廣茂

升麻

紅花炒

吳茱 各二錢

甘草 生

柴胡

澤瀉

神曲炒

青皮

陳皮

各三分 渴者加葛根 四錢

右每服七錢生薑三片煎服

紫蘇子湯 治憂思過度致傷脾胃心腹脹滿

喘促煩悶腸鳴氣走輓輓有聲大



小便不利脉虚紧而澀

蘇子一兩 大腹皮 草果

半夏 厚朴 木香

陳皮 木通 白朮

枳實 人參 甘草各半兩

右生薑三片棗一枚水煎服

人參芎歸湯 治血脹煩燥漱水不嚥迷忘小

便多大便黑或虚厥逆婦人多

有此証

當歸 半夏七錢半 川芎一兩

蓬朮 木香 砂仁

白烏 甘草炙各半兩

人參 桂 五靈脂炒各二錢半

右生薑三片棗一枚紫蘇四葉水煎服

○腎著三十三

○腎著為病其体重腰冷如水飲食如故腹

重如物在腰治宜流濕兼用温暖之藥以

散之



腎著湯

治腎虛傷濕身重腰冷如坐水中不

渴小便自利

乾薑炮

茯苓各四兩

甘草炙

白朮各一兩

右咬咀每服五錢水煎空心服

溼濕湯

治寒濕所傷身體重著如坐水中

蒼朮

白朮

甘草炙各一兩

茯苓

乾薑炮各半兩

橘紅

丁香各二錢半

右每服五錢水二鍾生薑三片棗一枚煎

服

○祕結三十四

○祕結大腸虛祕而熱

白芍

一兩半

陳皮

生芩

歸身

二兩

甘草

二錢

右為末粥丸白湯下七八十丸

○凡人五味之秀者養臟腑諸陽之濁者歸大腸大腸所以司出而不納也今停



畜蘊結獨不得踈導何哉抑有由矣邪  
入裏則胃有燥糞三焦伏熱則津液中  
乾此太腸挾熱然也虛人臟冷而血脉  
枯老人腸寒氣道澁此大腸之挾冷然  
也亦有腸胃受風涸燥秘澁此証以風  
氣蓄而得之若夫氣不下降而穀道難  
噫逆泛滿必有其証矣○東垣不言冷  
而言熱燥風燥有陽結陰結年老氣虛  
津液不足而結者治法云腎惡燥急食

辛以潤之結者散之如少陰不得大便  
以辛潤之太陰不得大便以苦瀉之陽  
結者散之陰結者熱之若小便自利大  
便硬不可下以脾約丸潤之諸風熱燥  
結者亦可潤之有物而結當下之若不  
究其源一槩用巴豆牽牛之類下之損  
其津液燥結愈甚復下復結遂成不救  
之証可不痛哉

導滯通幽湯

治大便難幽門不通上冲吸門



不開噎塞不便燥秘氣不得下  
治在幽門以辛潤之

當歸 升麻 桃仁泥 各一錢

生芩 熟芩 各五分 甘草 炙

紅花 各三分 加大黃名當歸潤燥湯

右作一服水煎食前調攪柳末半錢 或

加麻仁泥一錢

潤燥湯

升麻 生芩 各三錢 歸梢

甘草 生 大黃 煨 桃仁泥

麻仁 各三錢 紅花 五分

右除桃仁另研作一服水煎次下桃仁空  
心熱服

活血潤燥丸 治大腸風秘血秘常常燥結

歸梢 一錢 防風 二錢 大黃 紙裹煨

羌活 各二兩 桃仁 麻仁 一兩五錢 研

皂角仁 煨存性二兩半其性溫財滑溫滑則燥結自復

右除二仁另研外餘為末後和勻蜜丸如



桐子大空心服五十丸白湯送下三兩  
服後以蘇子麻子粥早晚食之大便不  
致結燥

半硫丸

治冷秘風秘老人秘結

透明硫黃研

半夏洗七次各等分

右為末生薑糊丸桐子大服二十丸薑湯  
下或用葱白一條薑三片煎入阿膠二  
片鎔開食空送下

麻仁丸

治大便秘風秘脾約

郁李仁

麻子仁

大黃

各六兩

三兩半以二半炒

山藥

防風

枳殼

炒七錢半

檳榔

羌活

木香

各五錢半

右為末蜜丸桐子大服五七丸白湯下

脾約丸

麻仁

一兩二錢研

枳實

厚朴

芍藥

各三兩

大黃

四兩蒸

杏仁

去皮尖炒二兩一

右為末煉蜜丸桐子大服三五丸溫水

下



凡諸祕服藥不通或無他証又或老弱  
虛極不可用藥者用蜜熬入皂角末少  
許作兌以導之冷祕生薑兌亦可

○咳嗽三十五 附肺痿肺癰

○咳嗽有風寒 痰飲 火鬱 勞嗽

春作是春升之氣○夏是火氣炎上最重  
○秋是濕熱傷肺○冬是風寒外來以藥  
發散之後用半夏逐痰必不再來○風寒  
行痰開腠理用二陳湯加麻黃桔梗杏仁

○痰飲降痰隨証加藥○火清金化痰○  
勞嗽宜四物加竹瀝薑汁○乾咳嗽難治  
此係火鬱之証乃痰鬱其火邪其中用苦  
梗開之下用補陰降火不已則成勞不得  
眠一邊取其味酸苦有收斂降火之功佐  
以海粉童便浸香附瓜蒌仁青黛半夏曲  
右為末蜜調噙化○肺氣甚嗽者此好色  
腎虛者有之用參膏以陳皮生薑佐之六  
槩有痰加痰藥○上半日多嗽者此屬胃



中有火用貝母石膏降胃火午後嗽者屬  
陰虛必用四物湯加炒黃柏知母降火○  
黃昏嗽者是火氣浮於肺不宜用涼藥宜  
五味子五倍子斂而降之○五更嗽者此  
屬胃中有食積至此時火氣壅於肺以貝  
母軟石膏降肺火○肺脹而嗽或左或右  
不得眠此痰挾瘀血礙氣而病宜養血以  
流動乎疎肝以清痰四物湯加桃仁訶子  
青皮竹瀝之類○嗽而脇下痛跡肝氣以

青皮挾痰藥實者白芥子之類○血礙氣  
作嗽者桃仁大黃薑汁丸服○治嗽多用  
生薑以其辛散故也○痰因火動逆上作  
嗽者先治火次治痰以知母上嗽清肺滋  
陰降火夜嗽用降陰分嗽○治嗽多用粟  
殼不必疑但要病根此乃收後藥也治痢  
亦同○勞嗽即火鬱嗽用訶子能治肺氣  
曰火傷極遂成鬱遏脹滿脇邊不得眠取  
其味苦有收斂之功仍以海石香附瓜蒌



青黛半夏之類必以補陰為主○灸嗽天突穴肺腧穴灸之大瀉肺氣肺腧穴在三權骨下兩傍各一寸五分

又方 治婦人形瘦有時夜熱痰嗽月經未調

青黛

瓜蒌仁

香附 童便浸晒乾

右為末蜜調噙化

又方 治痰嗽

杏仁

蘿蔔子 二兩

右為末粥丸服

清化丸

治肺中鬱痰睡不安寧

知母

杏仁

右為末沙糖入薑汁泡蒸餅丸噙化

又方 治久嗽風入肺

鴛管石

雄黃

玉金

右為末和艾中以生薑一片留舌上灸之以烟入喉中為度飲酒傷肺痰嗽以竹瀝煎紫蘇入韭汁就吞瓜蒌杏連丸

又方 治咳嗽劫藥



五味 半兩 甘草 二錢半 五倍子

風化硝 各一錢

右為末乾噲

又方 治咳嗽聲嘶者此血虛受熱

青黛 蛤粉

右為末蜜水調下

又方 治咳嗽去濕痰

白朮 半夏 蒼朮

香附 各一兩 貝母 杏仁 炒

黃芩 各半兩

右為末薑汁打糊丸

師云陰分嗽者多屬陰虛治之○有嗽而肺脹壅遏不得眠者難治○肺痿專主養肺氣養血清金○嗽而肺氣有餘者宜瀉之桑白皮為主半夏茯苓佐之瀉其有餘補其不足○肺燥者當潤之屬熱者桔梗大力知母鷄清○聲啞者屬寒者細辛半夏生薑辛以散之○肺



虛者人參膏阿膠為主陰不足者六味  
地黃丸為要藥或知母茯苓湯為妙○  
陰虛氣喘四物湯加陳皮甘草此少以  
降其氣補其陰白芍藥須用酒浸晒乾  
○濕痰帶風喘嗽者不可一味苦寒折  
之如千緡湯墜痰丸更以皂角蘿蔔子  
杏仁百藥薑蜜丸噙化○濕痰帶風以  
千緡湯墜痰丸固捷○痰積嗽非青黛  
瓜萋不除有食積人面青白黃色不常

面上有如蟹爪路一黃一白者是○咳  
逆嗽非蛤粉青黛瓜萋貝母不除○口  
燥咽乾有痰不用半夏南星用瓜萋貝  
母水飲不用瓜萋恐泥膈不松快○杏  
仁瀉肺氣氣虛久嗽者一二服劫止○  
青礞石丸除食積去濕痰看病冷熱虛  
實作湯使

又方

治勞嗽吐紅

人參

白朮

茯苓



百合 紅花 細辛

五味 官桂 阿膠

黃芪 半夏 杏仁

甘草 白芍 天門冬

熟去桂芪用桑皮麻黃不去節杏仁  
不去皮

又方 治嗽血

紅花 杏仁 枇杷葉 去毛

紫苑 鹿茸 炙 木通

桑白皮

右為末煉蜜丸噙化

又方 治痰嗽

黃芩 酒洗一兩半

白芥子 各五錢 貝母 南星 各二兩

風化硝 二錢半 取其輕浮退降

右為末蒸餅丸

嗽烟筒

佛耳草 欵花 一錢 鷓鴣管石



雄黃五分

右為末鋪艾上燒烟吸入口內 治痰嗽  
久永者

定嗽劫藥

訶子 百藥煎 荆芥穗

右為末薑蜜丸噲化

又方 治酒痰嗽

青黛 瓜萋

右為末薑蜜丸噲化救肺

又方 治心煩咳嗽等証

六乙散加辰砂服

清金丸 治食積火鬱嗽劫藥

貝母 知母 各二錢半 巴豆 去油膜五分

右為末薑泥丸辰砂為衣食後服五丸白  
湯下

清金丸 一名與點丸與清化丸同用瀉肺火

降膈上熱痰

片子黃芩 炒



右為末糊丸桐子大服五十丸

清化丸 與清金丸同用專治熱嗽及咽痛故

苦能燥濕熱輕能治上

燈籠草炒

右為末蒸餅糊丸○又細末醋調敷咽喉

間痛

潤下丸 治宵隔有痰兼嗽

陳皮去白半斤以鹽半兩水化拌煮陳皮乾為末

甘草一兩

右為末蒸餅丸 上熱加清金丸 有濕

加參朮丸 須看虛實作湯使

又方 治痰嗽

礞石半兩濕 風化硝二錢半 半夏二兩

白朮一兩 茯苓 陳皮各七錢半

黃芩半兩

蒼莎丸 調中散鬱

蒼朮 香附各四兩 黃芩一兩

右為末蒸餅丸桐子大服五十丸食後薑



湯下

又方 治咳嗽氣實無虛熱者可服汗多者亦用之

粟殼

四兩蜜炒去隔蒂

烏梅一兩

人參

欵花

桔梗各半兩

兜鈴

南星

姜制各一兩

右為末蜜丸彈子大含化

人參清肺散 治痰嗽咽乾聲不出

人參

橘紅

貝母各一錢半

半夏

桔梗

茯苓

桑皮

知母

枳殼

杏仁

黃連

各一錢

麥門

甘草

地骨

各五分

欵花

七分

五味 十箇

右水煎生薑三片

肺痿治法在乎養血養肺養氣清金金匱

方論曰熱在上焦者目欵為肺痿得之

或從汗出或從嘔吐或消渴小便利數



或從便難又被快藥下利重亡津液故  
寸口脉數其人咳口中有濁唾涎沫者  
為肺痿之病其人脉數虛者是

海藏紫苑散

治咳中有血虛勞肺痿

人參

桔梗

茯苓 各一錢

知母

貝母 各一錢半 紫苑

甘草

阿膠 炮炙各五箇 五味 十五箇

右吹咀水煎

知母茯苓湯

治咳嗽不已往來寒熱自汗肺

痿

甘草

茯苓

各二兩

知母

五味

人參

薄荷

半夏

柴胡

白朮

欵花

桔梗

麥門

黃芩

各半兩

川芎

阿膠

各三錢

右水煎生薑三片

○肺癰為何口中辟辟燥欬即膈中隱隱  
痛脉反滑數或數實者此為肺癰也○



已破入風者不治○用搜風湯吐之收  
歛瘡口止有合歡樹皮白歛煎飲之合  
歡即槿樹皮也

桔梗湯

治肺癰咳嗽膿血咽乾多渴大小便

赤澁

桔梗

目母

當歸

酒洗

瓜蒌仁

枳殼炒

桑皮

蜜水炙

薏苡仁炒

防己

各一兩

甘草節

生

杏仁炒

百合

各各半兩

黃芪

一兩半

右且每服五錢水煎生薑五片大便秘加

大黃小便秘加水通

國參飲子

治上情及飢飽失宜致傷脾胃咳

嗽膿血漸成勞瘵

人參

紫苑

阿膠

蛤粉炒

百合

細辛

款花

杏仁炒

天門冬去心

經霜桑葉

半夏

五味各一兩

甘草炙半兩

右每服四錢水煎生薑五片



○氣嗽加木香○唾血而熱加生地黄○  
唾血而寒加鍾乳粉○疲極咳嗽加黃  
芪○損肺咳嗽加沒藥藕節○嘔逆腹  
滿不食加白朮○咳而小便多者加益  
智○咳而面浮氣逆加沉香橘皮

○消渴三十六

消渴○養肺降火生血為主○分上中下  
治○二消皆禁用半夏

黃連末

天花粉末

藕汁

人乳汁

生薑汁

右後三味汁為膏入前二味搜和佐以薑  
汁和蜜為膏徐徐留舌上以白湯少許  
送下

○能食者加軟石膏○消渴若泄瀉先用  
白朮白芍藥炒為末調服後却服前藥  
○內傷病退後燥渴不解有餘熱在肺  
經可用參芪甘草少許生薑汁調冷服  
或以茶匙挑薑汁與之虛者可用人參



湯○天花粉消渴神藥也○上消者肺也  
也多飲水而少食大小便如常○中消者胃也  
多飲水而小便赤黃○下消者腎也小便濁淋如膏之狀面黑而瘦  
○水包天地前輩嘗有是說矣然則中天地而為人水亦可以包潤五臟乎曰  
天一生水腎實主之膀胱為津液之府所以宣行腎水上潤於肺故識者肺為津液之臟自上而下三焦藏府皆困乎

天一真水之中素問以水之本在腎末在肺者此也真水不竭安有所謂渴哉人惟淫慾恣情酒麵無節酷嗜炙博糟穢醎酸鮓醢甘肥腥羶之屬復以丹砂五石濟其私於是炎火上熏府藏生熱燥熾盛津液乾焦渴飲水燥而不能自禁○其熱氣上騰心虛受之心火散漫不能收斂膏中煩燥舌赤唇紅此渴引飲常多小便數以少病屬上焦謂之消



渴○熱蓄於中脾虛受之伏陽蒸胃消  
穀善飢飲食倍常不生肌肉此渴亦不  
甚煩但欲飲冷小便數而甜病屬中焦  
謂之消中○熱伏於下腎虛受之腿膝  
枯細骨節酸疼精走髓空引水自救此  
渴水飲不之隨即溺下小便多而濁病  
屬下焦謂之消腎○又若強中消渴其  
斃可立待也治法總要當以白朮散養  
脾自津液兼用好粳米煮粥以養肉

細煮服以養腎則水有所司又用淨黃  
連濕剉入雄猪肚中密扎於斗米上蒸  
爛添些蒸飯曰中枅粘丸如桐子服百  
丸食後米飲下可以清心止渴○東垣  
曰腸消者以白虎加人參湯治之○中  
消者以調胃承氣湯三黃丸治之○下  
消者以六味地黃丸治之

茯苓丸

治三消渴通用亦治白濁

兔絲子 酒浸二十兩

北五味 七兩



白茯苓 五兩 石蓮肉 三兩

右為末用山藥六兩為末作糊和丸桐子  
大每服五十丸米湯下

麥門冬飲子 治膈消膏滿煩心津液乾少短

氣而渴

知母 甘草 炒 瓜蒌

五味 人參 葛根

生芩 茯苓 麥門

石叟咀水煎入竹葉四十片

加味錢氏白朮散

人參 白朮 茯苓

甘草 炙 枳殼 炒各五分

藿香 一錢 乾葛 二錢 木香

五味 柴胡 二分

石作一服水煎服

地黃飲子 治消渴咽乾面赤煩燥

甘草 炒 人參 生芩

熟芩 黃芪 天門冬



麥門冬志

澤瀉

石斛

枇杷葉炒

右每服五錢水煎服

加減八味丸

治腎虛消渴引飲

內減附子加五味子要畧治男子消

渴小便反多者仍用本方

清心蓮子飲 治渴而小便濁或澀

黃芩

麥門冬

地骨皮

車前子

甘草各二錢半 蓮子

茯苓

黃芪

柴胡

人參各二錢半

右以咀水煎服

川黃連丸

治渴

川黃連

五兩

天花粉

麥門冬

去心各二錢半

右為末生地黄汁并牛乳夾和搗丸桐子

大服三十丸粳米湯送下

玉泉丸

治煩渴口乾

麥門冬去心

人參

茯苓



黃芪

半生半蜜炙

烏梅

焙

甘草

各一兩

瓜蒌根

乾葛

各一兩半

右為末蜜丸彈子大每服一丸溫湯嚙下

丹溪心法類集卷之二夏集終



